



Պարույր Սևակ

Պատերազմ և խաղաղություն

Ծանրանում է իրիկունը:

Մեր մանկիկը քնեց արդեն՝

Փոքրիկ ձեռքը աղավնու պես

Դրած բարձին:

Իմ սեղանի վրա ավտոն

«Վթարումից» փրկվել հազիվ՝

Ջուլգ ակերով դեմ է առել

Լերնոնտովի մեծ հատորին.

Իսկ անկյունում՝ նրա սև ձին,

Թամբը գցած բաշի վրա,

Շունչ է քաշում՝ ուրախացած,

Որ ազատվեց չարաճճի

Իր հեծյալից:

Ես կարդում եմ թերթը օրվա,

Վարագույրն ես դու արդուկում

«Չինար ես»-ի դանդաղ տեմպով:

Այնպես լո՛ւտ է, այնպես խաղա՛ղ մեր սենյակում,

Այնքան սե՛ր կա այդ լռության թևերի տակ:

Այնքան երա՛գ, սպասելի՛ք:

Օրվա թերթն եմ ես ընթերցում:

«Չինար ես»-ը ընդհատելով,

Դու խնդրում ես բարձր կարգավ՝
Գանգատվելով կնոջ բախտից,
Որ լրագիր ընթերցելու
Ժամ չի գտնում:
Կարդում եմ ես.
«Վիետնամում արյան հեղեղ...
Մայր ու մանուկ անօթևան...
Եվրոպական բանակներն են վերագինում...
Պատերազմի ուրվականն է առնում մարմին»...
Եվ արդուկը մի կողմ թողած՝
Դու նայում ես մեկ ինձ և մեկ
Նրան, որ արդ քուն է մտել
Իր բուրավետ մահճակալում:
Դու նայում ես մի տագնապով,
Որ հատուկ է լոկ մայրերին:
-Ի՞նչ են ուզում,- ասում ես դու,
Ասում ես դու այնպես կանա՛ց,
Մինչդեռ կարծես ճշո՛ւմ ես դու:
Ու խոսում ենք՝ ես իմ թերթը,
Դու արդուկդ մի կողմ դրած:
Դու խոսում ես և վախենում,
Ինչպես մայրերն են վախենում:
Ես լսում եմ ու լուռ մնում,
Ինչպես այրերն են լուռ մնում:
Թե ինչքան ենք խոսում այդպես,
Ո՛չ ես, ո՛չ դու չենք իմանում,
Մինչև հանկարծ տեսնում ես դու,
Որ երեխան բացել իրեն՝
Տոտիկներն է ներքև կախել
Մահճակալի ցանցաթելից:

-Սկսվեցին շոգերն արդեն.
Պետք է տանել ամառանոց...
Եվ քո ձեռքերը մայրական
Տոտիկներն են ծածկում նրա:
Եվ քո հայացքը մայրական
Լճանում է նրա վրա.
-Երբ մեծանա՝ տեսնես թե նա
Ի՞նչ կդառնա, տե՛ր իմ աստված...
Ու մանկացած՝ մանկան առաջ,
Երագում ենք մանուկ դառած:
...Նա մեծանում, դպրոց գնում,
Նա վագում է «Կազբեկ» գնում:
-Ո՛չ մի վագել, ո՛չ մի «Կազբեկ»:
Մենա՞կ... փողո՞ց... Գժվե՞լ ես դու,-
Հարձակվում ես դու ինձ վրա:
...Նա գնում է համալսարան,
Միրահարվում, ուշ տուն գալիս:
Հասկանում ենք անխոս նրան
Եվ, իհարկե, ցույց չենք տալիս:
-Միրահարվո՞ւմ, ո՞ւշ տուն գալիս...
Ի՞նչ է, ուրիշ բան չգտա՞ր,-
Սաստում ես ինձ լեղապատառ,
Քո մայրական խանդի վրա
Ծիծաղում եմ ու թույլ տալիս,
Որ երագը շարունակես՝
Որ նրան շուտ չպսակես,
Որ նա դառնա դաշնակահար,
Որ նա դառնա մեծ գիտնական...
Եվ չենք զգում, որ աննկատ
Ուրվականը պատերագմի

Կյանքի առաջ նահանջելով
Հեռանում է, չքվո՛ւմ, կորչո՛ւմ:
Որ մնում ենք ե՛ս, դո՛ւ, տղա՛ս,
Մեր տնա՛կը մեղմ ու խաղաղ-
Ես՝ զինվորը անցյալ օրվա,
Դու՝ մայրությունն իմ աշխարհի,
Իմ աշխարհը՝ իմ տան նման
Լեցուն սիրով ու երագով,
Լեցուն սիրով ամենագոր,
Եվ մեր տղան՝ մեր ապագան,
Որ քնել է քնով մանկան,
Այնպես հանգի՛ստ, խաղա՛ղ այնպես՝
Փոքրիկ ձեռքը դրած բարձին-
Աղավնու պես...

Երևան